

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-7-1268/15  
Sarajevo, 16.10.2015. godine

**Z A P I S N I K**  
**3. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 8. oktobra 2015. godine**

Sjednica je počela u 11:43.

Sjednici je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predstavnike medija i Međunarodne zajednice, a posebno potpredsjednicu Federacije Bosne i Hercegovine Melihu Mahmutbegović, potpredsjednika Federacije Bosne i Hercegovine Milana Dunovića, zamjenicu premijera Vlade Federacije Bosne i Hercegovine Jelku Miličević i ministre.

Izostanak sa početka sjednice je najavio premijer gospodin Fadil Novalić, koji se kasnije pridružio.

Izostanak sa sjednice je najavio Slaviša Šućur.

Na osnovu evidencije Stručne službe, predsjedavajuća je konstatovala da sjednici prisustvuje 47 delegata, što čini većinu, te Dom naroda može raditi i punovažno odlučivati.

Prije prelaska na rad, predsjedavajuća je dala na glasanje zapisnike 2. redovne i 4. vanredne sjednice.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 43 glasa za, uz tri glasa protiv i uz jedan uzdržani glas, usvojio Zapisnik 2. sjednice Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, uz 10 glasova protiv i uz dva uzdržana glasa, usvojio Zapisnik 4. vanredne sjednice Doma naroda Parlamenta Federacije Bosne i Hercegovine.

Potom je predsjedavajuća Doma naroda, na osnovu člana 104. Poslovnika o radu Doma naroda Parlamenta Federacije Bosne i Hercegovine, pozvala delegate da, ukoliko žele, postavе delegatska pitanja i pokrenu inicijative.

## Delegatska pitanja i inicijative

**Sejo Bukva** je uputio dva pitanja Zori Dujmović, federalnoj ministrici kulture i sporta. Pita je koji su sportisti i na koje ostvarene rezultate u 2015. godini dobili nagrade. Drugo pitanje odnosi se na Fondaciju za sport - da li Fondacija još postoji, koliko je sredstava u budžetu Federacije predviđeno za Fondaciju, da li Fondacija ima upravni odbor, da li su sredstva za 2015. godinu potrošena i kolika su planirana sredstva za 2016. godinu.

**Mladen Lonić** je uputio pitanje Ministarstvu unutrašnjih poslova Unsko-sanskog kantona - koliko je puta prekršen javni red i mir u podgrmečkim selima Jesenica, Suvaja, Radić i Vranjska, ko su počinioci tih prekršaja i šta je poduzeto u tim slučajevima.

**Lejla Didik-Sarajlić** je postavila tri pitanja premijeru, Vladi Federacije Bosne i Hercegovine i Poreskoj upravi Federacije Bosne i Hercegovine.

Prvo pitanje - koji je broj poreskih obveznika koji nisu izmirili dug na osnovu javnih prihoda u zakonom propisanom roku, te koji je ukupan iznos duga na tom osnovu?

Drugo pitanje - koja su pravna lica najveći dužnici na osnovu neizmirenih obaveza koje tretira ovaj zakon.

Treće pitanje - kakvi su finansijski efekti po budžet Federacije Bosne i Hercegovine radi primjene ovog zakona i koliko je radnih mjesta sačuvano zahvaljujući primjeni ovog zakona.

**Dražen Matišić** je postavio delegatsko pitanje, tj. uputio je inicijativu Vladi Federacije koja se odnosi na Rudnik uglja Gračanica d.o.o. Gornji Vakuf-Uskoplje. Pita - da li je jedan od kriterija prilikom zapošljavanja u Rudniku uglja Gračanica d.o.o. Gornji Vakuf-Uskoplje nacionalna pripadnost? Također, uputio je inicijativu Vladi Federacije i Federalnom ministarstvu energije, rudarstva i industrije da se prilikom zapošljavanja vodi računa o nacionalnoj pripadnosti kako bi Hrvati sa ovog područja dobili priliku raditi i doprinosti uspješnosti ovog rudnika. Postavio je pitanje i JP Ceste Federacije BiH o realizaciji Zaključka Skupštine Srednjobosanskog kantona koja se odnosi na inicijativu za postavljanje branika na magistralnoj cesti Bugojno - Novi Travnik.

**Segmedina Bajramović-Srna** uputila je inicijativu Federalnom ministarstvu zdravstva za izradu zakona o naplati i djelimičnom otpisu dugova bolničkih ustanova na području Federacije Bosne i Hercegovine.

**Aner Žuljević** postavio je pitanje i uputio inicijativu Vladi Federacije. Pitanje se odnosi na stav Vlade Federacije u vezi sa važenjem, zaključivanjem i primjenom kolektivnih ugovora kao i učešćem u već započetim pregovorima sindikata i udruženja poslodavaca.

Uputio je i inicijativu Vladi Federacije za izmjenu Uredbe o uvjetima i načinu plaćanja gotovim novcem.

**Edim Fejzić** obavjestio je Dom da će ubuduće on i određena grupa delegata podržavati sve prijedloge, odluke, inicijative i zaključke koje donose delegati i predstavnici SBB-a kao i lider SBB-a Fahrudin Radončić.

**Sladan Ilić** postavio je pitanje Vladi Federacije - ima li namjeru pripremiti izmjene Zakona o raspodjeli javnih prihoda i kada će izmjene tog zakona dostaviti u parlamentarnu proceduru.

**Drago Puzigaća** izrazio je nezadovoljstvo zbog činjenice da ni nakon tri mjeseca nije dobio odgovor na delegatsko pitanje, te pitanje obnavljaj.

**Daliborka Milović** postavila je pitanje delegatu Edimu Fejziću da detaljnije pojasni koji je to klub i grupa delegata u Domu naroda koji će podržavati SBB.

**Emir Frašto** pokrenuo je inicijativu i uputio pitanje.

Inicijativu je uputio Vijeću ministara Bosne i Hercegovine za koju je zatražio podršku i ostalih delegata, a koja se odnosi na to da Crna Gora riješi pitanje ispuštanja vode iz Hidroelektrane Mratinje te nadoknadi štetu krajevima uz Drinu.

Pitanje je uputio Federalnom ministarstvu prometa i komunikacija - kada će se pristupiti izgradnji projektovane brze ceste Sarajevo – Goražde – Sandžak.

**Mustafa Kurtović** je, u ime Odbora za privredu, pokrenuo inicijativu za izmjene i dopune Poslovnika o radu Doma naroda kojom se predlaže Kolegiju Doma da pristupi izmjenama i dopunama Poslovnika u smislu da se materijali prije nego budu uvršteni u dnevni red sjednice Doma razmatraju od nadležnih radnih tijela te da se svi zaključci, prijedlozi i mišljenja koja se tim putem definiraju dostave Kolegiju.

**Vesna Saradžić** upućuje inicijativu prema Kolegiju Doma naroda da na jednoj od narednih sjednica razmatra i Prijedlog Zakona o liječenju neplodnosti biomedicinski potpomognutom oplodnjom.

Edim Fejzić odgovorio je na pitanje Daliborke Milović i poslovničke intervencije, te navodi da on nije istupao u ime kluba, nego u ime grupe delegata sa čijim imenima ne želi licitirati.

**Lidija Bradara** uputila je inicijativu Vladi Federacije, predsjedniku Vlade Federacije i potpredsjednicima Vlade Federacije da hitno preispitaju rješenje UPIO05223-11-48/12 Federalnog ministarstva okoliša.

Potom se prešlo na utvrđivanje dnevnog reda.

Predsjedavajuća je obavijestila delegate da je Vlada Federacije dostavila Prijedlog Odluke o izmjenama i dopunama Budžeta Federacije Bosne i Hercegovine za 2015. godinu, Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2015. godinu, Prijedlog Zakona o izmjeni i dopuni Zakona o eksproprijaciji i Prijedlog Zakona o izmjenama i dopunama Zakona o visini stope zatezne kamate na javne prihode sa prijedlogom da se razmatraju po hitnom postupku. Zatim je pozvala delegate da se izjasne o ovom prijedlogu Vlade Federacije.

Na osnovu rezultata glasanja, predsjedavajuća Doma naroda je konstatovala da je Dom naroda Parlamenta Federacije Bosne i Hercegovine:

- sa 40 glasova za, uz šest glasova protiv i uz jedan uzdržani glas, prihvatio da se Prijedlog Odluke o izmjenama i dopunama Budžeta Federacije Bosne i Hercegovine za 2015. godinu razmatra po hitnom postupku;
- sa 37 glasova za, uz šest glasova protiv i uz dva uzdržana glasa, prihvatio da se Prijedlog Zakona o izmjenama i dopunama Zakona o izvršavanju Budžeta

Federacije Bosne i Hercegovine za 2015. godinu razmatra po hitnom postupku;

- sa 40 glasova za, uz šest glasova protiv i uz jedan uzdržani glas, prihvatio da se Prijedlog Zakona o izmjeni i dopuni Zakona o eksproprijaciji razmatra po hitnom postupku;
- sa 38 glasova za i uz devet glasova protiv, prihvatio da se Prijedlog Zakona o izmjenama i dopunama Zakona o visini stope zatezne kamate na javne prihode razmatra po hitnom postupku.

Također, Vlada Federacije je dostavila i Prijedlog Zakona o izmjenama i dopunama Zakona o budžetima u Federaciji Bosne i Hercegovine, Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije i Prijedlog Zakona o izmjeni Zakona o uvjetima i načinu obavljanja djelatnosti rezanja drveta sa prijedlogom da se razmatraju po skraćenom postupku o čemu su se delegate Doma naroda izjašnjavali.

Na osnovu rezultata glasanja, predsjedavajuća Doma naroda je konstatovala da je Dom naroda Parlamenta Federacije Bosne i Hercegovine:

- sa 40 glasova za i uz šest glasova protiv, prihvatio da se Prijedlog Zakona o izmjenama i dopunama Zakona o budžetima u Federaciji Bosne i Hercegovine razmatra po skraćenom postupku;
- sa 37 glasova za i uz sedam glasova protiv, prihvatio da se Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije razmatra po skraćenom postupku;
- sa 39 glasova za, uz šest glasova protiv i uz jedan uzdržani glas, prihvatio da se Prijedlog Zakona o izmjeni Zakona o uvjetima i načinu obavljanja djelatnosti rezanja drveta razmatra po skraćenom postupku.

Kolegij Doma naroda predložio je da se u dnevni red kao 1. tačka uvrsti - Usaglašavanje Zakona o privrednim društvima.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 44 glasa za, uz jedan glas protiv i uz tri uzdržana glasa, prihvatio prijedlog Kolegija Doma naroda da se u dnevni red kao 1. tačka uvrsti usaglašavanje Zakona o privrednim društvima.

Vlada Federacije dostavila je zahtjev a Kolegij Doma naroda predložio da se u dnevni red uvrste tačke - Prijedlog Odluke o davanju saglasnosti na izmjene Finansijskog plana Federalnog zavoda za penzijsko i invalidsko osiguranje za 2015. godinu i Odluku o izvršavanju rebalansa Finansijskog plana Federalnog zavoda za penzijsko i invalidsko osiguranje za 2015. godinu i Prijedlog Odluke o davanju saglasnosti na Odluku o izmjenama Statuta Federalnog zavoda za penzijsko i invalidsko osiguranje - što su delegati Doma naroda i prihvatili (38 glasova za, dva glasa protiv i sedam uzdržanih glasova).

Također, Kolegij Doma naroda je predložio da se tačka - Dokument okvirnog Budžeta Federacije Bosne i Hercegovine za period 2016.-2018. godina - povuče sa sjednice a da se razmatra kada se bude razmatrao Prijedlog Budžeta Federacije Bosne i Hercegovine za 2016. godinu, što su delegati Doma naroda i prihvatili.

Potom je predsjedavajuća pitala ima li prijedloga za izmjene i dopune dnevnog reda.

Aner Žuljević zatražio je da se u dnevni red uvrsti Informacija Vlade Federacije o povlačenju kompanije u cilju daljnjeg istraživanja nafte na području Federacije Bosne i Hercegovine.

Predsjedavajuća je zatražila od delegata Anera Žuljevića da odustane od svog prijedloga i da ga ostavi za narednu sjednicu, što je prihvatio, uz napomenu da ga u tom slučaju Vlada Federacije u pisanom obliku kao izvještaj dostavi Parlamentu Federacije.

Zatim se prešlo na izjašnjavanje o dnevnom redu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 39 glasova za, uz šest glasova protiv i uz jedan uzdržani glas, usvojio sljedeći:

### **D N E V N I R E D**

1. Usaglašavanje Zakona o privrednim društvima,
2. Prijedlog Odluke o izmjenama i dopunama Budžeta Federacije Bosne i Hercegovine za 2015. godinu – hitni postupak,
3. Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2015. godinu – hitni postupak,
4. Prijedlog Zakona o izmjeni i dopuni Zakona o eksproprijaciji – hitni postupak,
5. Prijedlog Zakona o izmjenama i dopunama Zakona o visini stope zatezne kamate na javne prihode - hitni postupak,
6. Prijedlog Zakona o izmjenama i dopunama Zakona o budžetima u Federaciji Bosne i Hercegovine - skraćeni postupak,
7. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak,
8. Prijedlog Zakona o izmjeni Zakona o uvjetima i načinu obavljanja djelatnosti rezanja drveta - skraćeni postupak,
9. Nacrt Zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine,
10. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta Koridor Vc (Koridor Vc Počitelj - Bijača),
11. Statut o izmjenama i dopunama Statuta Regulatorne komisije za energiju u Federaciji Bosne i Hercegovine,
12. Prijedlog Odluke o davanju saglasnosti na izmjene Finansijskog plana Federalnog zavoda za penzijsko i invalidsko osiguranje za 2015. godinu i Odluku o izvršavanju rebalansa Finansijskog plana Federalnog zavoda za penzijsko i invalidsko osiguranje za 2015. godinu,

13. Prijedlog Odluke o davanju saglasnosti na Odluku o izmjenama Statuta Federalnog zavoda za penzijsko i invalidsko osiguranje,
14. Izvještaj o izvršenju Budžeta Federacije Bosne i Hercegovine za period od 1.1. do 30.6.2015. godine,
15. Izvještaj Visokog sudskog i tužilačkog vijeća Bosne i Hercegovine za 2014. godinu,
16. Informacija o aktivnostima na izboru strateškog partnera za finansiranje i izgradnju termoelektrane Banovići, blok 1-350 MW - treća faza tenderskog postupka pripremljena od RMU „Banovići“ Banovići,
17. Informacija o vanjskom i unutrašnjem dugu u Federaciji Bosne i Hercegovine na dan 31.12.2014. godine.

## **1. Usaglašavanje Zakona o privrednim društvima**

Predsjedavajuća je obavijestila delegate da je prilikom izrade izvornika Zakona o privrednim društvima Stručna služba Predstavničkog doma utvrdila da član 336. stav 2. ovog zakona nije istovjetan na sva tri jezika.

Federalno ministarstvo energije, rudarstva i industrije uputilo je dopis kojim obavještava Parlament Federacije da je ispravna verzija člana 336. stav 2. na hrvatskom jeziku.

Član 336. stav 2. Zakona o privrednim društvima na hrvatskom jeziku glasi: “Uprava, član uprave, Nadzorni odbor ili član Nadzornog odbora je dužan sazvati Skupštinu najmanje jednom godišnje i tijekom godine kada društvo ostvari gubitak veći od petine temeljnog kapitala prema posljednjem godišnjem obračunu.”

Kako bi Zakon bio objavljen u “Službenim novinama Federacije Bosne i Hercegovine” potrebno je da domovi Parlamenta Federacije usvoje tekst člana 336. stav 2. Zakona o privrednim društvima na bosanskom i srpskom jeziku kako glasi tekst člana 336. stav 2. Zakona na hrvatskom jeziku.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, uz tri uzdržana glasa i bez glasova protiv, usvojio tekst člana 336. stav 2. na bosanskom i srpskom jeziku kako glasi tekst člana 336. stav 2. Zakona o privrednim društvima na hrvatskom jeziku.

## **2. Prijedlog Odluke o izmjenama i dopunama Budžeta Federacije Bosne i Hercegovine za 2015. godinu – hitni postupak**

Vlada Federacije Bosne i Hercegovine dostavila je Prijedlog Odluke o izmjenama i dopunama Budžeta Federacije Bosne i Hercegovine za 2015. godinu.

Prijedlog Odluke obrazložila je Jelka Miličević, federalna ministrica finansija.

Izvještaj Odbora za ekonomsku i razvojnu politiku, finansije i budžet obrazložio je predsjednik Odbora Muhamed Kozadra.

U raspravi su učestvovali: Predrag Kojović, Admir Hadžipašić, Željko Mirković, Mirvet Beganović, Rasim Dostović, Tomislav Martinović, Draženka Subašić, Aner Žuljević, Jasenko Tufekčić, Osman Čatić, Željko Josić, Ivo Tadić, Muhamed Kozadra i Jelka Miličević.

Budući da su predlagači odustali od podnesenih amandmana predsjedavajuća je stavila na glasanje i, na osnovu rezultata glasanja, konstatovala da je Dom naroda Parlamenta Federacije Bosne i Hercegovine, sa 31 glasom za, uz 14 glasova protiv i uz jedan uzdržani glas, usvojio Prijedlog Odluke o izmjenama i dopunama Budžeta Federacije Bosne i Hercegovine za 2015. godinu.

Nakon toga predsjedavajuća je na prijedlog predsjednika Kluba delegata bošnjačkog naroda dala pauzu 15 minuta.

Poslije pauze, sekretar Doma naroda Izmir Hadživdić je radi utvrđivanja kvoruma izvršio prozivku delegata.

Tom prilikom je Dom naroda Parlamenta Federacije Bosne i Hercegovine, sa 39 glasova za, uz jedan uzdržani glas i uz jedan glas protiv, usvojio sljedeći:

### **ZAKLJUČAK**

Dom naroda Parlamenta Federacije Bosne i Hercegovine zadužuje Vladu Federacije Bosne i Hercegovine da prilikom izrade nacrtu Budžeta Federacije Bosne i Hercegovine za 2016. godinu uzme u obzir amandmane koji su na sjednici Doma naroda podneseni na Prijedlog Odluke o izmjenama i dopunama Budžeta Federacije Bosne i Hercegovine za 2015. godinu i raspravu koja je vođena u vezi sa prijedlogom ove odluke.

## **3. Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2015. godinu - hitni postupak**

Vlada Federacije Bosne i Hercegovine je dostavila Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2015. godinu.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za, uz dva uzdržana glasa i uz osam glasova protiv, usvojio Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2015.godinu

#### **4. Prijedlog Zakona o izmjeni i dopuni Zakona o eksproprijaciji - hitni postupak**

Prijedlog Zakona utvrdila je Vlada Federacije Bosne i Hercegovine.

Prijedlog Zakona obrazložio je Željko Obradović, direktor Geodetske uprave.

Na Prijedlog Zakona o izmjeni i dopuni Zakona o eksproprijaciji po jedan amandman podnijeli su Admir Hadžipašić i Klub delegata hrvatskog naroda, koje je Vlada Federacije prihvatila te se Dom naroda o njima nije izjašnjavao.

U raspravi su učestvovali Mustafa Kurtović i Željko Obradović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za i uz šest glasova protiv, usvojio Prijedlog Zakona o izmjeni i dopuni Zakona o eksproprijaciji u tekstu kako ga je predložila Vlada Federacije Bosne i Hercegovine sa dva amandmana koja je Vlada Federacije prihvatila na sjednici Doma naroda, pa su postali sastavni dio Prijedloga Zakona.

##### **Amandman I.**

U Prijedlogu Zakona o izmjeni i dopuni Zakona o eksproprijaciji dodaje se novi član 1. koji glasi:

##### **„Član 1.**

„U Zakonu o eksproprijaciji („Službene novine Federacije BiH“, br. 70/07, 36/10 i 25/12) u članu 3. iza riječi: „prometne infrastrukture“ dodaju se riječi: „poslovnih i industrijskih zona“.“

Postojeći čl. 1., 2., 3. i 4. Prijedloga Zakona postaju čl. 2., 3., 4. i 5. Prijedloga Zakona.

##### **Amandman II.**

Član 3. Prijedloga Zakona o izmjeni i dopuni Zakona o eksproprijaciji mijenja se i glasi:

„U članu 45. st. (4) i (5) mijenjaju se i glase:

„(4) Izuzetno od stava (2) ovog člana za bespravno izgrađene stambene objekte za koje nadležni organ nije donio pravomoćno rješenje o uklanjanju, a koji

predstavljaju jedinu stambenu jedinicu graditelja i članova njegove uže porodice (supružnici i djeca), graditelju, odnosno njegovom pravnom sljedniku pripada pravo na naknadu u visini građevne vrijednosti tog objekta.

(5) Pravo na naknadu iz stava (4) ovog člana pripada samo u slučaju da je bespravno izgrađeni stambeni objekt evidentiran na službenom orto-foto snimku teritorija Federacije Bosne i Hercegovine u razmjeri 1:5000 koji je uradila Federalna uprava za geodetske i imovinsko pravne poslove.“.“

## **5. Prijedlog Zakona o izmjenama i dopunama Zakona o visini stope zatezne kamate na javne prihode - hitni postupak**

Vlada Federacije Bosne i Hercegovine utvrdila je Prijedlog Zakona o izmjenama i dopunama Zakona o visini stope zatezne kamate na javne prihode.

Jelka Miličević, federalna ministrica finansija, obrazložila je Prijedlog Zakona o izmjenama i dopunama Zakona o visini stope zatezne kamate na javne prihode.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasova za i uz pet glasova protiv, usvojio Prijedlog Zakona o izmjenama i dopunama Zakona o visini stope zatezne kamate na javne prihode.

## **6. Prijedlog Zakona o izmjenama i dopunama Zakona o budžetima u Federaciji Bosne i Hercegovine - skraćeni postupak**

Prijedlog Zakona o izmjenama i dopunama Zakona o budžetima u Federaciji Bosne i Hercegovine utvrdila je Vlada Federacije.

Jelka Miličević, ministrica finansija, obrazložila je Prijedlog Zakona o izmjenama i dopunama Zakona o budžetima u Federaciji Bosne i Hercegovine.

U raspravi je učestvovala Lidija Bradara.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 39 glasova za, uz pet glasova protiv i uz jedan uzdržani glas, usvojio Prijedlog Zakona o izmjenama i dopunama Zakona o budžetima u Federaciji Bosne i Hercegovine sa amandmanom koji je Vlada Federacije Bosne i Hercegovine podnijela na sjednici Doma naroda, pa je postao sastavni dio Prijedloga Zakona.

### **Amandman glasi:**

„U članu 7. Prijedloga Zakona koji se odnosi na član 43. stav 2. Zakona riječ: „tri“ zamjenjuje se riječju: „pet“.“

## **7. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak**

Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije utvrdila je Vlada Federacije.

Predstavnik Vlade Federacije nije obrazložio Prijedlog Zakona budući da su delegati Doma naroda smatrali da nema potrebe za tim.

U raspravi je učestvovao Mirvet Beganović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za, uz šest glasova protiv i uz jedan uzdržani glas, usvojio Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

## **8. Prijedlog Zakona o izmjeni Zakona o uvjetima i načinu obavljanja djelatnosti rezanja drveta - skraćeni postupak**

Prijedlog Zakona o izmjeni Zakona o uvjetima i načinu obavljanja djelatnosti rezanja drveta utvrdila je Vlada Federacije.

Izveštaj Odbora za poljoprivredu, vodoprivredu i šumarstvo obrazložio je Đuro Delić, predsjednik Odbora.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, uz tri glasa protiv i uz šest uzdržanih glasova, usvojio Prijedlog Zakona o izmjeni Zakona o uvjetima i načinu obavljanja djelatnosti rezanje drveta.

## **9. Nacrt Zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine**

Nacrt Zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine utvrdila je Vlada Federacije.

Pomoćnik Federalnog ministra pravde obrazložio je Nacrt Zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine.

U raspravi su učestvovali Željko Josić, Draženka Subašić i Jasenko Tufekčić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za i uz 10 glasova protiv, usvojio sljedeći:

### **Z A K L J U Č A K**

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o sukobu interesa u organima

vlasti u Federaciji Bosne i Hercegovine i smatra da može poslužiti kao osnov za izradu prijedloga Zakona.

2. Zadužuje se Vlada Federacije da u roku 90 dana provede javnu raspravu i da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda kao i one iznesene na javnoj raspravi.

#### **10. Prijedlog Odluke o prihvatanju zaduženja po ugovoru o finansiranju između Bosne i Hercegovine i Evropske investicijske banke za realizaciju projekta koridor Vc (Koridor Vc Počitelj - Bijača)**

Prijedlog Odluke utvrdila je Vlada Federacije i dostavila Parlamentu Federacije radi razmatranja i donošenja. Uz Prijedlog Odluke dostavljeni su: Informacija o kreditu Evropske investicijske banke za Projekt Koridora Vc, Ugovor o finansiranju između Bosne i Hercegovine i Evropske investicijske banke Koridor Vc Počitelj – Bijača i Nacrt supsidijarnog sporazuma Koridor Vc Počitelj – Bijača između Bosne i Hercegovine i Federacije Bosne i Hercegovine.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 41 glasom za i uz jedan uzdržani glas, donio Odluku o prihvatanju zaduženja po ugovoru o finansiranju između Bosne i Hercegovine i Evropske investicijske banke za realizaciju projekta koridor Vc.

#### **11. Statut o izmjenama i dopunama Statuta Regulatorne komisije za energiju u Federaciji Bosne i Hercegovine**

Regulatorna komisija za energiju u Federaciji Bosne i Hercegovine dostavila je Parlamentu Federacije izmjene i dopune Statuta Regulatorne komisije za energiju u Federaciji Bosne i Hercegovine radi razmatranja i davanja saglasnosti.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za i uz četiri glasa protiv, donio Odluku o davanju saglasnosti na Statut o izmjenama i dopunama Statuta Regulatorne komisije za energiju u Federaciji Bosne i Hercegovine.

**12. Prijedlog Odluke o davanju saglasnosti na izmjene Finansijskog plana Federalnog zavoda za penzijsko i invalidsko osiguranje za 2015. godinu i Odluku o izvršavanju rebalansa Finansijskog plana Federalnog zavoda za penzijsko i invalidsko osiguranje za 2015. godinu**

Prijedlog Odluke utvrdila je Vlada Federacije i dostavila Parlamentu Federacije radi razmatranja i donošenja.

Prijedlog Odluke obrazložio je Kenan Spahić, predstavnik Federalnog ministarstva rada i socijalne politike.

U raspravi su učestvovali Aner Žuljević i Kenan Spahić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 29 glasova za, uz devet glasova protiv i uz dva uzdržana glasa, donio Odluku o davanju saglasnosti na izmjene Finansijskog plana Federalnog zavoda za penzijsko i invalidsko osiguranje za 2015. godinu i Odluku o izvršavanju rebalansa Finansijskog plana Federalnog zavoda za penzijsko i invalidsko osiguranje za 2015. godinu.

**13. Prijedlog Odluke o davanju saglasnosti na Odluku o izmjenama Statuta Federalnog zavoda za penzijsko i invalidsko osiguranje**

Prijedlog Odluke utvrdila je Vlada Federacije i dostavila Parlamentu Federacije radi razmatranja i donošenja.

Prijedlog Odluke obrazložio je Kenan Spahić, predstavnik Federalnog ministarstva rada i socijalne politike.

U raspravi su učestvovali: Aner Žuljević, Kenan Spahić, Jasenko Tufekčić i Muhamed Kozadra.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 30 glasova za i uz 13 glasova protiv, donio Odluku o davanju saglasnosti na Odluku o izmjenama Statuta Federalnog zavoda za penzijsko i invalidsko osiguranje.

**14. Izvještaj o izvršenju Budžeta Federacije Bosne i Hercegovine za period od 1.1. do 30.6.2015. godine**

Izvještaj o izvršenju Budžeta Federacije Bosne i Hercegovine za period od 1.1. do 30.6.2015. godine dostavila je Vlada Federacije radi informiranja.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 28 glasova za, uz 10 glasova protiv i uz dva uzdržana glasa, primio na znanje Izvještaj o izvršenju Budžeta Federacije Bosne i Hercegovine za period od 1.1. do 30.6.2015. godine.

#### **15. Izvještaj Visokog sudskog i tužilačkog vijeća Bosne i Hercegovine za 2014. godinu**

Dom naroda Parlamenta Federacije Bosne i Hercegovine skinuo je sa dnevnog reda Izvještaj Visokog sudskog i tužilačkog vijeća Bosne i Hercegovine za 2014. godinu zbog nepprisustva predstavnika predlagača.

#### **16. Informacija o aktivnostima na izboru strateškog partnera za finansiranje i izgradnju termoelektrane Banovići, blok 1-350 MW - treća faza tenderskog postupka pripremljena od RMU „Banovići“ Banovići**

Informaciju je dostavila Vlada Federacije i predložila Parlamentu Federacije donošenje zaključka.

Informaciju su obrazložili Stipe Buljan, u ime Vlade Federacije, i Munever Čergić, direktor Rudnika mrkog uglja Banovići.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za, uz tri glasa protiv i uz jedan uzdržani glas, donio sljedeći:

### **ZAKLJUČAK**

1. Prihvaća se Informacija o aktivnostima na izboru strateškog partnera za finansiranje i izgradnju termoelektrane Banovići, blok 1-350 MW - treća faza tenderskog postupka pripremljena od RMU “Banovići“ Banovići.
2. Daje se prethodna saglasnost na predloženi izbor ponuđača:
  - Dongfang Electric Corporation Limited – DEC Kina
  - za strateškog partnera za finansiranje i izgradnju termoelektrane Banovići, blok 1-350 MW, kao i predložene aktivnosti iz tačke 6.1. Proces finalizacije iz Informacije iz stava 1. ove tačke.
3. Obavezuje se Vlada Federacije Bosne i Hercegovine da redovno informira Parlament Federacije Bosne i Hercegovine o provedbi aktivnosti iz 1. tačke ovog zaključka, te da pravovremeno dostavi Parlamentu Federacije Bosne i Hercegovine na razmatranje, odgovarajuće dokumente i akte, uključujući i potrebne ugovore radi

davanja saglasnosti ili donošenja odgovarajućih odluka u skladu sa važećim zakonima.

4. Konačan izbor strateškog partnera za finansiranje i izgradnju termoelektrane Banovići, blok 1-350 MW obavit će se tek nakon saglasnosti Vlade Federacije Bosne i Hercegovine i Parlamenta Federacije Bosne i Hercegovine, uz obavezu donošenja odluke Skupštine društva RMU „Banovići,, o davanju saglasnosti na konačni prijedlog izbora strateškog partnera za finansiranje i izgradnju termoelektrane Banovići, blok 1-350 MW.

#### **17. Informacija o vanjskom i unutrašnjem dugu u Federaciji Bosne i Hercegovine na dan, 31.12.2014. godine**

Informaciju je sačinila Vlada Federacije i dostavila Parlamentu Federacije radi informiranja.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za, uz jedan glas protiv i uz dva uzdržana glasa, primio na znanje Informaciju o vanjskom i unutrašnjem dugu u Federaciji Bosne i Hercegovine na dan, 31.12.2014. godine.

Sjednica je završena u 16:14.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆA

Lidija Bradara